



QUÆSTIO MEDICA,
CARDINALITIIS DISPUTATIONIBUS
manè discutienda in Scholis Medicorum, die Jovis
octavâ Martii.

M. JOANNE POISSON, Doctore Medico,
Præside.

An ab Aëre magis, quàm ab Aquâ afficiatur Homo?

I.

SENSUS fallunt non-numquàm : iis haud incautè fides adhibenda : Cum ad rerum essentias & naturam exprimendas, non omnino sint nati, sed ad congruas, aut adversantes corpori nostro relationes objectorum declarandas potissimum comparati, sensus errores circa Aërem etiam patent. Aqua sensoris omnibus magis ac faciliùs obvia sit; effectis autem, longè magis actuosus Aër innotescit. hujus qui vires ac usus indagat, non oculis illum circumspicere, non explorare gustu, non tactu deprehendere plerumque confidat : Organa crassiora, minimisque perferutandis parùm idonea fugit. ipsum experientia, ratione prælucente, demonstrat undiquè circumjectum, spirabilem, pellucidum, fluidissimum, gravem, resilire aptum. Ejus Elastica vis multis evincitur experimentis. Utrem accipias Aëre semiplenum, hunc ad excelsi montis deferas verticem, ipse sensim sine sensu intumescet : Aëre scilicet intus vigente, vimque suam meliùs exerente, ob incumbentis gravitatem imminutam. Hæc gravitas certis definitur limitibus, qui columnarum ejus altitudine circumscribuntur; ac eò major est quò altior Aëris prementis columna sive altitudo. Ab hac altitudine, si sexcentæ detrahantur hexapedæ, octava circiter ponderis Atmosphæræ pars detrahitur. Utrique & pressione & virtuti Elasticæ, effectus omnes quos horrore vacui solent ascribere, accepti referendi sunt. In Aëre distinguenda maximè duplex substantia, ætherea scilicet purior subtilissimæque, & Aërea sic præcipuè dicta seu crassior, Illa motu suo (à quo quidè initium motionum omnium.) Licet non comprimenda, minimè gravis, & Elatere nullo donata, fluiditatem nihilominus, gravitatem, & vim resiliendi crassiori conciliat. Hæc Aëris *particulae* non aliâ meliùs ratione possunt explicari, quàm si partes ejus intelligantur ex filis implexis, ac instar lanæ capillamentorum mutuo intricatis constare, aut spirulis flexilibus & convolutis componi, quæ ab incumbente mole comprimantur, & ubi à pressione solutæ sunt, intestinis, à subtili corpore lacescitæ, ciantur motibus, ac suas quò majus impleant spatium, toto æthereæ ejusdem substantiæ nisu vires intendant. Aër sic à naturâ comparatus, à vicinis corporibus variè adulteratur. Nihil perfectè quietum sub eadem conditione manet; omnia quippè præterlabitur, & movet interius ac exterius subtilis ejus materies. Hæc à singulis quas delibat corporum particulis, exuvias abradit. Nullum est forsàn corpus ex quo jugi fluxu halitus non dimanent: effluvia è magnete, electricis & odoris corpori-

bus perenniter emitri ratio suadet, arguunt effectus. Summæ itaque & ferè incredibilis varietatis exstant *διαιρέσεις*, aqueæ, terrenæ, sulphuræ, spirituosæ. Vim & efficientiam halituum sivè effluviorum non negabit qui ab ingentis corpusculorum multitudine, magnitudinem eorum abundè compensari satis intelligit; qui tenuitatem eorum ac penetrantem naturam, motus celeritatem, configurationem aptam, & meatuum, quos subire jubentur, appositam coaptationem diligenti animo contemplabitur. Corpusculorum sivè halituum quantumvis subtilium, vires effectas temerè nusquam arbitreris: integræ persistant ut plurimum: aqua in vapores, hydrargyus in fumos, sulphur in flores, evecta aut attenuata propriam non exuunt naturam: liquores demùm è Vegetantibus proliciti, eorum à quibus prodeunt corporum, odores, sapores ac virtutes retinent sapissimè.

I I.

QUÆ pars Aëris telluri propior est, impura, Atmosphæra rectè dicitur. Ejus tùm gravitas, cùm vis elastica diversimodè ab admixtis temperatur, augetur, aut infringitur. A diversis *σπέρμας* ita conditus à *σπέρμας* particulas & poros corporum variis agitatur stringiturque modis, ac discrepantes inurit affectiones. Hæ quodlibet impetunt eò magis, quò minùs eorù tela prævisa. Quæ pluribus patet sensibus Aqua, corpus est liquidum, in sensu Philosophi maximè humidum, non omnium tamèn respectu corporum, fluidissimum, Aëre milliès ad summum ponderosius. Ex particulis constat jugi motu concitatis, nudis quidèm oculis quæta conspicitur, vitris autèm opticis undulatà motione prædita sese exhibet accuratius intuentibus. Particulæ istæ læves sunt, oblongæ, teretes, flexiles, fugaces, glabræ, non ut quibusdàm aridet ramosæ aut hamis instructæ. Hinc habet aqua ut à quibusvis, quibus immiscetur corporibus calore expellatur, ac in vapores evolvatur: hinc ab implicitis differt oleis, quæ mille ramis aut hamis, quasi totidem *σπέρμας*, invicem commissa per fila, stilandando protrahuntur & mixtis tenaciùs adhærescunt. Illa verò in exiles & separatas divisa guttulas decedit; licet dilatari & rarefcere apta, vix tamèn comprimì, aut quemadmodùm Aër in angustius condensari potest. Ejus enim minima prima, anguillarum instar, alia suprà alia ad amussim incumbunt, nec ulla ferè inter se relinquunt intercepta pororum intervalla: hinc insipida videtur, quod papillas nerveas, à quibus sensatio gustus, vix percellat. Ipsi tamèn nonnullæ vires concedendæ; spiritus tenues facillè dividit; male colligatas aut compactas terræ particulas conciliat; salibus haud ægrè imbuitur; iis arctissimè jungitur, ac eorum certam & determinatam quantitatem appositè sustinet, quam postea vix dimittit; sulphur fugit; mixta quorum minùs firma, laxiorve coagmentatio permeat, solvit; ex iis ramenta, minutius delibat; igne & salibus acuitur; corporum quamplurimorum vires sibi asciscit, tincturas & tenuiores mobilesque particulas elicit. Hac institutà Aëris cum Aquâ comparatione, effectus utriusque meliùs elucescent. A motu diverso variè afficiendi modi: quod fluidum plus obtinet motùs, & majori tangit superficie, hoc plus potest, validiùs moveri, ferit vehementiùs.

I I I.

SED Aëris motio prima, maxima. Ab ipsâ aquæ fluiditas, undè ejus effluvia derivatur omnis: hinc præcipuæ affectiones ac dotes velût uberrius fonte profluunt: Hinc *εἰσπνοή* sortitur, habet quod solvat, quod dirimat corporum particulas insensiles. Quantamcumque in dissuendis corporibus operam præstat, motu præstat; dùm ejus minimæ partes partim ab Aëre,

partem à fluido illo primo, universali, aurâ nempe subtiliori seorsim actæ, arietant continuo corporum partes. Quæ dissolventia (menstrua vulgò vocant) Aëre copiosius & arte intruso stimulantur, citius, potentius suam in concreta referenda vim adhibent; sic tamquam additis & copulatis cuneis, motu, vibrationibus. Ὁ ἕρμα τερσῶν Aqua, distento & ampliato thorace, non fugitur, sed pellitur in os animantis; musculis deinde deglutitur; ventriculum subit; cibis diluendis inservit; quod Aëre scæta, quod salibus & calore concitata; hos elixat, permiscet, iis ad singulas partes vehendis, deducendis accommodata. Famem, mimimè nutriendo, sedat quadantenus, sed refofo sensu, per se non nutrit, non coquitur, non incrassatur; adhesionem solummodo juvat & agglutinationem: diluta quippè sufficienter alimenta, melius ad intestina provolvuntur, ab ipsis φεισλλομέτοις felicius vasorum, quæ lactea dicunt, osculis inseruntur: tùm musculis abdominis, diaphragmate, adjuvantibus, conspirantibus valvulis, trans eorum incilias ad chyli receptaculum, & inde ad cor urgentur, promovenur. Hos præstat usus Aqua, quantò majores Aër! Inspiratione attollitur thorax: Aër in pulmones apertos & fluiditate & pondere ferrur, vesiculas eorum distendit, sique liberum, sanguini à μεχλῆς cordis expresso parat iter, & hoc pacto circuitum promovet; Vasa pervadit, sanguinem subit, parte suâ nitrofolinâ purpuram elargitur, auræ subtilioris motu fluorem, partium elasticarum vibrationibus calorem, motum, tenuitate suâ subtilitatem impertitur; quibus solidarum partium poros & interstitia minima penitus intrare, aptus redditur. Hæ quidem elasticæ particule singulæ & seorsim acceptæ levioris effectus capaces; simul autem sumptæ, summam motionum insignem efficiunt. Sic immisso plurimo spiritu vesica distenditur, & appensum ac oblectans sensum attollit pondus sexaginta librarum, cujus ideò resistentiam superat. Ab Aëre comminutus sanguis ad partes decurrit. Ad secretiones motus necessarius; ipsis Aër præst: ejus incitatione particule sanguinis rarefcent, dividuntur, & superficiem ampliorem consequuntur; cribris exinde facilitas major accedit, particulas sibi suisque poris figurâ, magnitudine accommodatas transmittendi. Tandem cum admistâ fuligine plurimâ expiratur. Reddi debet, quod ejus ελαυνῶν δύναμις nimio plus fractâ, aut ferè consumptâ, nova requiratur. Aëris operam in promovendo circuitu qui negat, experimento redarguetur: in animalis penè extincti thoracicum ductum, Cavam, aut pulmones immittat spiritum; hac arte, veluti respirationis æmulâ, motus cordis redintegrabitur, animal quasi vitæ restituetur.

IV.

N E C minimum confert Aëris gravitas: hæc ad vitæ conservationem animantibus apprimè necessaria. A ζυμώσιν sanguinis calor, à calore rarefactæ particule nituntur abscedere continuo, impetu nisque suo vasa dilatant, insensibilia cutis recludunt spiracula, rami capillares aperiuntur, avolat spirituofo subtilioris pars, ni gravitate suâ fibras in suo situ contineat, furentem & ζαροσκόμμενοι comprimat Aëris incumbens debita moles. Hinc ratio in promptu, cur animalia pleraque in artefacto vacuo reposita intumescant; habentis scilicet αερομένη sanguini permissis: cur altissima montium cacumina qui quondam naufragâ, vomitu, deliquis animi, δυσανατολῆς torqueantur; nempe quod minus quam par est gravis Aër. Nec unâ ipse irrepit viâ: dum ambit, minutissimis se se inserit venarum ostiolis: hinc varia αἵματ-ο-διδόσιν. Solidarum partium anfractus & poros ingreditur, earumque proinde fibras emollit aut indurat, laxat aut constringit, vasa sudorem excrementia obstruit aut expedit. Qui virtutibus insitis pellit, movet, idem qualitatibus ascitis cruorem quatit, eumque à natu-

4

rali statu dejicit. Nocentissima, quæ minimè diffilatur aut ventilatur aura; jugulat nonnumquam, lædit sapissimè, sive quod ejus particulæ diutinà putrescentes inertia vigorem exuant elasticum, vitales undè spiritus viscati sistantur: sive quod halitus corporum, aut aquarum humida respiraciones, quibus refertus est, longiori stagnatione novos & pulmonum poris proportionè minis respondentés ac exitiosos contrahant *εχρηματισμός*. Quæ mixtis accedunt pleræque mutationes, Aëri immutato aut diversimodè affecto tribuendæ. Variis exhalationum *αυξήσεις*, subitæ debentur tempestatum *μεταβολæ*, *ἀνωμαλίαι*. Frustrâ syderum obversiones, conversiones, aut aspectum causantur, qui harum-cæ causas investigant; in interiori tellure varii concurrant succi, horum occurribus fermentationes concitantur, hinc halitus diversi. Hi dum intrâ terræ meatus insensiles cohibentur, metallorum, mineralium, lapidum &c. juvant concreciones; Plantarum radices, semina fovēt, iis alimenta suppeditant; rubiginem, syderationes, & alios morbos inducunt. Dum autem reclusis meatibus in liberum Aërem prorumpunt, pro ratione quantitatis, naturæ, motus, proferunt ventos, procellas, tonitrua, fulgura. Non absimilibus prægnans Aër excretis, quædam insicit animalia; febres, scorbutum, pestem, elephantiasim, aliamque hujusce modi malorum Iliadem in mortale genus invehit: siquidem intactis ut plurimum sensoriis, in humores & spiritus sæviunt *ἀπρροίαι*, unde sanguis liquefcit, aut coagulatur, spiritus efferantur, aut languidâ obruuntur *ταρμάσι*.

V.

AMBIENS igitur Aër, inter causas à quibus servatur vivens, facilè primus. Ab hujus motu vita pendet in animantibus: cibis atque potu pectenus abstinere possunt, non item aurâ vitali. Embryo tenui delitescens Ovo, factus suis involutus Secundinis, ipsâ fruuntur, ipsâ ancillante nutriuntur, crescant, perficiuntur; nec suus deest seminibus aut Ovis plantarum Aër: hic primarios succos intra minutissimas fibras sive fistulas *ήλδον*. Nulla sinè Aëre generatio, Nutritio nulla, Vegetatio nulla. Vivens omne spirat. Corruptionem, putredinem ab ipso nanciscuntur corpora; ab eo circumfuso si seposita, illæsa diutius consistunt, diutissimè scilicet permanens, si etiam ab interno, quo reconditiore scatent eorum penetralia, penitus liberentur. Ab ipso itaque vim suam omnem dotefque suas sortitur Aqua: hæc in intimis dumtaxat fibris agit diluendo, vehendo partes alimenti, ubique minori instructa motûs apparatu & unico efficax modo. Aër vitæ & morborum author, potentiori nisu corpus hominis percellit, contactu, transpiratu scilicet & fufpiratu, partium ejus sive solidarum sive fluidarum majorem numerum, quasi multiplici præsentia perstringit efficacius, quod parentiori fufus sit & rangat superficie. Denique certius & fortius percutit, quod minus facilè quàm aqua declinetur, cum necessarîo attrahenti, hauriri debeat. Internè & externè premit, agit Aër in corpus hominis. Qualis Aër talis in nobis spiritus, qualiscumque fuerit spiritus, tales humores ac partes solidæ.

Ergò ab Aëre magis, quàm ab Aquâ afficitur Homo.

Asserebat Parisiis CLAUDIUS BOURDELIN, Sylvaneëtinus,
Baccalaureus Medicus. A. R. S. H. 1691.

Parisiis, Apud Franciscum Muguet, Regis, & Facultatis Medicinæ Typographum.